

重編東坡先生外集卷第七十四

小簡

答王定國

穎州

辱書感慰謗焰已熄端居委命甚善然所云百念灰滅萬事懶作則亦過矣丈夫功名在晚節者甚多定國豈愧古人哉某未嘗求事但事來卽不以大小爲之在杭所施亦何足道但無愧怍而已過蒙示諭慙汗若使定國居此所爲當更驚人亦豈特止此而已本州職官董華密人能具道政事歎服不已但恨公命未通爾靜以持之勿令中塗齟齬自然獲濟如國

手棋不湏大段用意終局便湏贏也

又

張公卧病不勝憂懸急要文集不敢不附去在任二
年到京數月無頃刻暇時公屬我文集當有所刪潤
雖不肖豈敢如此然公知我之深舉世無比安敢復
有形迹實願傾副公萬一故不敢草草編錄到穎方
有少暇正欲編次而已遽索之且乞定國一言檢閱
仍以相付幸也

與趙德麟

數日不接思渴之至衝冒風雪起居何如端居者知
愧矣佛陀波利之虐一至此邪乃知退之排斥不
無理也呵呵酒二壺迎勞惟加鞭

又

昨日幸接笑語今日之舉聞之後時不及往慰悚
息悚息三日臂痛今日幸減錄舊時詩一篇奉呈聞
公亦欲借示詩藁幸付去人上清宮成而有德音意
謂守臣當有賀表如何如何謀之於公幸略垂示

與辯才禪師

別來思仰日深比日道體何如某幸於關中抽頭得
此閑郡然雖未能超然遠引亦退老之漸也思企吳

東坡先生集卷之二十四
越諸道友及江山之勝不去心或更送老請會稽一
次去師必能爲此一郡道欲少留山中勿便歸安養
不肖更得少接清游何幸如之惟千萬保愛

答參寥

兩得手書且審法體佳勝辯才遂化去雖來去本無
而情鍾我輩不免悽愴也今有真文一首并銀二兩
託爲致茶果一奠之穎師得書且喜進道紙尾待得
閑寫去餘惟萬萬自重

又

某在穎一味適其自得也承惠家園新茗珍感之至
紫衣脚色已付錢今冬必得已託王晉卿取附遞至
智果也四公子亭它輩非吝但近日人言尤可畏薄
惡之甚故未可也必深悉此穎上人道業必進託爲
傳語聰公病懶不寫書不訝不訝邁已赴河間來書
續附去次少游近致一場鬧皆群小忌其超拔也今
且無事閑知之

與汪道濟

專使至辱書感服存記且審比來起居住佳勝甚慰馳
仰未卜會見惟祈保練

又

某見報移汶上而勅未下老病不甚寄任方欲力辭
未知得免否令子日夕相見甚安知之

與范純父侍郎

到穎半年始此上問懶慢之罪踧踏無地中間辱書
及承拜命貳卿亦深慶慰然公議望公在禁林想卽
有此拜也春暖起居何如其移廣陵甚幸舍弟欲某
一到都下乞見而行路旣少迂而老病務省事且自
穎入淮矣不克一別臨書惘惘

又

某衰病日侵而使客旁午高麗復至公私勞敝殆不
能堪但以連歲災傷不敢別乞小郡然來年闕食之
憂未知攸濟日俟罪譴而已李唐夫一宅甚安沈酣
江山旬日忘歸非久赴任也

與明父權府提刑

到官半歲依庇德宇獲遂解去感服深矣臨行寵餞
再三益愧眷厚別後切想起居住勝某已達泗上迎
送人等謹遣還府今日留一飯晚遂發去逾遠左右
回望悵然尚冀保練以頌顯拜

與孔毅父

到揚吏事清暇而人事十倍於杭甚非老拙所堪也

東坡先生集卷之七十四
四
熟觀所歷數路民皆積欠爲大患仁聖撫養八年而民未蘇者正坐此事爾方欲出力理會誰肯少助我者乎此間去公咫尺爾而過徃妄造言語者或云公欲括田而招兵近問得皆虛想出於欲邀功賞而不願公來者乎事之濟否皆天也君子盡心而已無由面見臨紙惘惘

又

到此得所賜書卽於遞中上謝豈不達耶續蒙示諭王景尋文集某猶及從其人游當依所教然近日士大夫以某不作銘誌故變文爲某引耳已屢辭之今恐未可遽作也不罪不罪前日得舍弟書報志公婢偶傷火湯初甚驚惋連得書已全安無痕矣恐要知在京數日見其慧利長進無病後毋撫之如已出也除夜紛紛奉啟不謹

與范純夫

別後不一奉書慢懶之罪未有以解然別時亦先自陳矣比日履茲冬初起居佳勝切聞屢進拜喜抃無量與子功同侍邇英此最縉紳之所榮慕又聞有旨許講罷奏事想日有補正也未緣會合千萬自重

又

東坡先生集卷之二十四
奉書不數愧仰可知辱手教且審起居佳勝爲慰某
凡百粗遣聞天官之除老病有加那復堪此卽當力
辭乞閑郡爾側聆大用以快羣望未間千萬以時自
重

又

忠文公碑固所願託附但平生本不爲此中間數公
蓋不得已不欲卒負初心自出都後更不作不寫已
辭數家矣如大觀其一也今不可復寫千萬亮察魯
直日會致區區兩辱書皆未答直懶耳別無說然魯
直不容我誰復能容我者

又

前日見報知新拜卽欲奉書爲賀又恐草草念行後
間迫猝未能便如禮故不免發數字想不深訝不寐
之喜豈獨以樂正好善之故耶更不必盡談公議所
屬想公有以處之以私意但望公不力辭若又力辭
乃以辭難矣餘亦見子由書中乍熱起居如何乍遠
千萬自愛

答趙德麟

人來辱書伏承履茲畏暑起居佳勝爲慰見念之深
正如懷仰之意不肖獨賴晁無咎在此方憂其去若

東坡先生集卷之二十四
果得德麟爲代真天假老拙也旣未欲來此寄居當
今爲于高郵尋安下處續當馳報也未間萬萬自重

又

別後思仰不可言竊計起居住勝得舍弟書奉太夫
人久服藥近已康復伏惟歡慶到郡兩月公私勞冗
有稽上問想未深責會合未期惟冀待奉外千萬保
重

與人

欽服下風爲日久矣遲莫相從傾蓋如故非氣類自
然抑宿昔緣契也人來辱手教得聞起居勝常堂上
康服感慰深矣某凡百如故又得無咎切磨知幸

又

久別思詠日深衰疾多故人事弛廢過蒙手書存錄
益用愧負比日起居住勝如聞已有召命想卽超用
以慰公論未間萬萬爲國自重

又

出守幸獲相聚每得見條然忘懷爲益多矣別來起
居何如到場人事紛紛坐想清游可復得哉乍熱千
萬自重

與范子功

還朝

見舍弟說知得雍信幼孫未遊關之怛然便欲往見
從者已散去切想慈念之深不能無動然竟亦何益
惟千萬以理照遣旦夕面究

又

辱教承晚來起居住勝園茶及匣子香藥夾等已領
珍感珍感粟子之求不太廉乎便不得更送一箇茈
離邪呵呵

又

宿來起居佳勝已馳簡邀伯揚來日會啟聖公能枉
轡甚幸子由明日奠酌後便往啟聖公可到彼早食
也某略到押賜處便往

又

廣嚴之會謹如教計必請陳四也分惠佳茆感感獨
飲一杯遂醉書不成字

答李方叔

別久音問缺然忽承惠教愧仰何勝秋暑未過起居
何如未由會面萬萬順時珍重

又

專人辱啟事長書及手簡累幅意貺甚厚非所敢當
又蒙教以不逮非君子直亮期人之遠何以及此然

衰病之余豈任此責愧悚之極比日起居佳勝惠示
絨皮等物皆所不敢當禮曹之傳蓋妄也信菴元不
發却付來人蓋近日親知所寄示一切辭之非獨于
左右也千萬恕察知非久入京見訪幸甚未間千萬
珍重不宣

又

前日所貺高文極爲竒麗但過相粉飾深非所望殆
是益其疾耳無由往謝悚汗不已

又


近日雖獲屢見迫于多故不盡區區別來辱書且喜
體中佳勝某方杜門請郡章四上未允方更請耳今
見未可期惟千萬順時自愛至禱

又

前日辱訪客衆不及款話兩三日又無緣接奉思企
不可言手教爲貺慙感無量苦寒諸况何如常日不
獨以禁令不得瞻奉又以差館伴紛紛殊不暇也衰
病疲曳欲脫而不可得可勝歎耶

又

連日殿門祇候不可致問辱簡承起居佳勝來日行
香罷又須一弔康公晚乃歸方叔能枉訪夜話爲別



原件短缺

甚幸餘留面話

答潘彥明

辱書感慰無量比日起居何如別來不覺九年衰病
有加歸休何日往來紛紛徒有愧歎知東坡甚葺治
故人仍復往還其間否會合無期臨紙悵惘

與鞫持正

兩日薄有秋氣伏想起居佳勝蜀人蒲永昇臨孫知
微水圖四面頗爲雄爽杜子美所謂白波吹素壁者
願挂公齋中真可以一洗殘暑也近晚上謁次

又

深尚真珍調少慰鄙願

又

辱示長牋詞旨過重適少冗迫來使不敢久稽未及
占詞爲答想知照未甚訝也惶恐惶恐疊蒙惠長松
以扶老病感佩不可言天覺臨別時亦許寄來因到
彼可爲督之藥名品方狀精詳之極非故人留意之
深何以及此未有以答厚意但積悲感都下委示及

又

疊辱臨訪欲少款奉多事因循繼以卧病負愧深矣
知明日啟行無緣面別真保練

東坡先生集卷之二十四 十一
與王賢良

近辱臨訪連日紛冗不及款奉竊惟起居佳勝寵示
新作感服至意

答楊濟父

久以私撓不作書累蒙惠問且審起居佳勝爲慰衰
年咎責移殃家室此月一日以疾不起痛悼之深非
老人所堪柰何柰何又以受命出帥定武累辭不獲
溘至勉強北行家事寥落懷抱可知因見青神王十
六秀才亦爲道此會合何時臨書淒斷惟千萬順時
自愛

與子安兄

十九郎兄弟遠至持蒙手誨甚審比來尊體佳勝甚
慰係望骨肉久別乍聚問信親舊但有感歎知兄杜
門守道爲鄉閭推愛弟久客倦遊情懷常不佳日望
歸掃墳墓陪侍左右耳方暑敢冀以時自重

又

遠蒙示先伯父事迹但有感涕專在卑懷重承誨諭
惶悚之至正冗迫中不敢久留來人未暇寫諸親知
書乞爲致意非久徧發也

又

墓表又於行狀外尋訪得好事皆參驗的實石上除
字外幸不用花草及欄界之類才着欄界便不古花
木尤俗狀也唐以前碑文皆無告照管模刻子細爲
佳不罪不罪

又

每聞鄉人言四九五九兩姪爲學勤謹事舉業尤有
功審如此吾兄不亡矣惟深念負荷之重益自修飾
乃是顏閔之孝賢於毀頓遠矣比聞五郎六郎乍失
毋毀痛難堪亦以此戒之矣吾兄清貧遭此固不易
處某亦爲一年兩喪困于醫藥欲未有以相助且
只今楊濟甫送二千爲一奠餘俟少暇也

與聖用弟

聖用小二秀才弟別後冗迫不卽奉書想未訝也比
日體中佳安今日榜出且喜小十捷解喜慰之極此
郎君爲學勤至文詞成就來春必殊等也前賀無疑
向聞弟當復入來想必成行也小十甚安健日夕相
見不用憂未相會間千萬保愛子由爲朝陵去未及
奉書

又

十郎司理不及別作書初官但事事遵稟小二叔教

東坡先生集卷之七十四
十三
誨官事勿苟簡公勤靜恕勿急求舉主曹事辦集上
官必不汝遺劉漕行父叔與之契舊因見但道此意
俟到定州款曲作書也餘惟侍奉外多愛夜中目昏
不成字勿訝勿訝

又

方叔兄未及拜書且爲致意子安三哥近有書未及
再上狀因見亦爲至慊

重編東坡先生外集卷之七十四終

重編東坡先生外集卷第七十五

小簡

與子由赴定州

某爲迫行事冗不及作孫子發書乞爲致意近者奏
辟吏郎胥子初妄執言本官係合入遠人礙辟舉條
及反復詰之廼始伏云若今年九月二十七日本官
成資後別無遺闕卽不該入遠可以奏辟某尋有公
文申部乞會問本州卽見得成資已前有無遺闕凡
爭數日乃肯據狀會問請與孫子發言畧說與本州
官員言早與果決分明回一成資無遺闕文字來免

爲猾胥妄生枝節或更孫宣德與一願就及本州官員及所填替非有服親一狀尤佳京師大抵官不事事而吏橫也

與參寥

吳子野至出穎沙彌行草書蕭然有塵外意决知不日穎脫而出不可復沒矣可喜可喜近遞中附呂丞相所奏妙摠師號牒去必已披受訖卽日起居何如其來日出城赴定州南北憂隔然請會稽之意終未已也當更俟年歲間耳未可謂千萬善愛

與范淳父

所示連日入問聖候極是極是見說執政逐日問宗室亦逐日問候也已將簡報錢尹令府中差人徧報諸公矣

與孫子發

專人來辱書承近日尊體佳勝蒙許就辟慰浣深矣奏檢附呈已發訖其行期不過九月半間會見不遠更祈順時自重

又

貴眷各計安勝公宇已令粗葺什物麓陋然亦粗足更有幹示諭塗中幸不滯留早到慰勤遲幸也

與錢濟明

別後至今遂不上問想察其家私憂患也遠辱專使
手書且審侍奉起居康勝感慰兼極老妻奄忽今已
半年衰病豈復以此自纏但晚景牢落亦人情之不
免重煩慰諭銘佩至意然公亦自有愛女之戚初不
知奉疏後時慚負不已出守中山謂有緩帶之樂而
邊政頽壞不堪開眼頗費鋤治近日逃軍衰止盜賊
皆出疆矣幕客得李端叔極有助聞兩浙連熟呻吟
瘡痍遂一洗耳何時會合臨書惘惘

又

寄惠洞庭珍苞塞上所不識分餉將吏並戴嘉貺也
无以爲報親書松醪一賦爲信想發一笑也近得單
季隱書云公有一癩藥方極神奇某長孫有此病多
年不差可見傳否如許幸遞中示及

與范夢得

南遷

一別俯仰十五年所喜君子漸用足爲吾道之慶比
日起屈何如某旦夕南遷后會无期不能无悵惘也
過揚見東平公極安行復見之矣新著必多无緣借
觀爲耿耿耳乍暄惟順候自重

與孫子發

人過辱教其審別后起屈佳勝貴眷各康寧至慰至
慰某到邢甚健忝鄉且親平時不爲不知公因此行
觀公舉措方恨前此知公未盡勉進此道爲朋友光
寵餘惟萬萬自愛

又

子發以古人自期信道深篤雖窮達在天未可前定
然必有聞于時而傳于後也幸益自愛重以究遠業
臨行不盡區區

與開元明師

辱簡并惠扇碑及借示木石等皆佳妙但去長物爲
陸行計无所置之謹留筆一束以領雅意余回納不
訝不訝

又

辱書具審法履佳勝且知從者嘗至符離見待久之
感愧深矣借示跋尾石刻足見存誠篤至却附來人
納上元本未會集間千萬珍重

與任德翁

半月不面思企深劇辱書承孝履如宜金陵雖久駐
奉伺不至知亦留滯如此某在磁湖夾阻風已累日
今日風亦苦不順且寸進前去恐亦未能遠也不知

東坡先生文集卷之五十四
四
德翁今晚能到此否傾渴之至

荅徐仲車

三辱手教極其愛愛孔子所謂忠焉能勿誨乎當書諸紳寢食不忘名方良藥亦已拜賜幸甚幸甚來日舟人借請或少留但不敢往謁耳

又

昨日旣蒙言贈今日又荷心送益然有得載之而南矣

與張元明

前日承追餞南都又送子由至筠風義之厚益增愧
慨比日且審起居佳勝萬里之別後會杳未有期伏乞善加保練

又

遠辱專人惠書輔以藥物極濟所乏衰疾有賴矣感刻感刻不知何時還蜀中自此音問遂隔曷勝惘惘
與黃元翁

其垂老投荒衆所鄙遠見孫提點言獨有存卹孤旅之意感激不已到治下當作陸行必留數日款見也
荅劉無言

此行但有感恩知罪省分絕欲守此四言行之終身

庶保餘年得還田畝但未知有无后命爾

與孫子發

別來思企不可言比日尊體何如某蒙庇粗遣旦夕
離南都如聞言者尚紛紛英州之命未保无改也凡
百委順而已幸不深慮逾遠萬萬以時自重

又

郡中諸公未能一一奉狀因見各爲致意過真定見
楊來朝議此人實學隱德河朔似此老亦一二數
矣其子迪簡亦善吏某已舉之矣欲告提刑大夫來
年一京削敢煩子發爲道此懇或持此簡呈憲使尤

幸

又

一起寫書十六七封不能復謹勿罪勿罪

與程德孺

在定辱書未裁荅間倉猝南來遂以至今比日切惟
起居佳勝老兄罪大責薄未塞公議再有此命兄弟
俱竄家屬流離污辱親舊然業已如此但隨緣委命
而已任德翁同行月余具見老兄處憂患次第可具
問更不詳書也懿叔赴闕今何在因書道區區后會
無期臨書惘惘余執萬萬以時珍重

東坡先生集卷之二十五
六
荅錢濟明 惠州

專人遠辱書存問加厚感悚無已比日郡事餘暇起
屣何如某到貶所闔門省愆之外無一事也瘴鄉風
土不問可知少年或可久屣老者殊畏之唯絕嗜欲
節飲食可以不死此言已書諸紳矣餘則信命而已
近來親舊書問已絕理勢應爾濟明獨加于舊高義
凜然固出天資但愧不肖何以得此會合无期臨紙
愴恨

又

近在吳子野處領手教尚稽荅謝愧悚之至遠蒙差
人固佩荷契義而卓契順者又可竒也无以荅其意
與寫數紙公可取一閱也寄惠白朮極所欲得也牋
格甚高想見風裁回信惟有紫團參一枝疑可以奉
親故不敢以微鮮爲愧也兩兒子曾拜見否凡百想
有以訓之幼子過相隨甚幹事且不廢學蒙令子惠
書回荅簡率一一封納必不罪也

又

嶺南家家造酒近得一桂酒法釀成不減王晉卿家
碧香亦謫居一喜事也有一頌親作小字錄呈切勿
示人千萬千萬

東坡先生外集 卷之七十五 七
答張嘉文

久不奉書過辱不遺遠枉教尺具審起居佳勝感慰
交集著述想日益富示諭治春秋學此學者本務又
何疑焉此書自有妙用學者罕能領會多求之繩約
中乃近法家者流苛細繳繞竟亦何用惟丘明識其
妙用然不可盡談微見端倪兆欲使學者自見之故僕
以爲難蓋嘗悔少作矣未敢輕論也凡人爲文至老
多有所悔僕嘗悔其少矣然著成一家之言則不容
有所悔當且博觀而約取如富人之築大第儲其材
用既定而后成之然後爲得也愚意如此是夜甚寒
筆凍眼昏不罪不罪

答徐得之

張君來辱書存問周至感激不已卽日哀慕之餘孝
履如宜某到惠已半年凡百粗遣旣習其水土風氣
絕欲息念之分浩然無疑殊覺安健也兒子過頗可
事寢食之餘百不知管過亦頗力學長進也子由頗
得書甚安一家今作四處住惠筠許常也然皆無恙
得之見愛之深故詳及之不須語人也瞻企邈然臨
書惘惘乍熱惟萬萬節哀順變自重

又

詹使君仁厚君子也極蒙他照管仍不輟携具來相就極與君猷相善每言及相對悽然君猷諸子得耗否十四郎從來修學如何

荅吳秀才

人來領書且喜尊體佳勝并示歸鳳賦與寄遠妙詞亦清明玩味爽然然僕方杜門念咎不願相如過有粉飾以重其罪此賦自別有所寄則善不肖決不敢當幸察之察之

荅參寥

專人遠來辱手書并示近詩如獲一笑之樂數日喜慰忘味也某到貶所半年凡百粗遣更不能細說大谷祇似靈隱天竺和尚退院後却住一個小村院子折足鐺中糴糙米飯喫便過一生也得其余瘡癘病人北方何嘗不病是病皆死得人何必瘡氣但苦無醫藥京師國醫手裡死漢尤多參寥聞此一咲當不復憂我也故人相知者卽以此語之餘人不足與道也未會合間千萬爲道善愛自重

又

穎沙彌書迹巉聳可畏他日直妙搃門下龍象老夫不復止以詩句字畫期之矣老師年幾不小尚留情

詩句字畫間爲兒戲事耶然此回示詩超然真遊戲
三昧也居閑不免時時弄筆見索書字要楷法輒作
數篇終不甚楷也祇一讀了付穎師收勿示餘人也
雪浪齋詩句尤竒偉感激感激轉海相訪一段竒事
但聞海船遇風如在高山上墜深谷中非愚無知與
至人皆不可處胥靡遺生恐吾輩不可學若是至人
無一事冒此驗做什麼千萬勿萌此意穎師喜于得
預乘桴之遊耳所謂無所取材者其言不可聽切切
相知之深不可不盡道其實爾自揣餘生必須相見
公但記此言非妄語也

又

淨慧琳老及諸僧知因見致懇知爲默禱於佛令亟
還中州甚荷至意自揣省事以來亦粗爲知道者但
道心數起數爲世樂所移奪恐是諸佛知甚難化故
以萬里之行相調伏耳少游不憂其不了此境但得
他老兒不動懷則其餘不足云也俞承務知爲少游
展力此人不凡可喜可喜今有一書與之告專一人
與轉達仍已有書令兒子輩准備信物令送去俞處
託求穩當船主附與廣州何道士也見說自有斤重
腳錢數目體例甚熟

東坡先生外集卷之三十一
荅南華辯禪師

竄逐流離愧見方外人之舊達觀一視延館加厚洗
心歸休得見祖師幸甚幸甚人來辱書具審法體佳
勝感慰兼集其到惠已二百日杜門養疴凡百粗遣
不煩留念

又

專人遠來獲手教累幅具審法履佳勝感慰兼極又
蒙遠致筠州書信流落羈寓每煩淨衆愧佩深矣承
惠及盟粟鹹豆等益荷厚意泉銘模刻甚精某此凡
百如宜不煩念及未由瞻謁懷想不已熱甚惟萬萬

爲衆自愛

又

所要寫柳碑大是山中闕典不可不立石已輟忙麾
汗寫出仍作一小記成此一事小生結緣於祖師不
淺矣荒州無一物可寄只有桄榔杖一枚不韌而堅
似可采勿笑勿笑舍弟及聰師等書信領足此有人
去已發書矣張惠蒙去歲爲令看舡不得禮拜祖師
及衣鉢甚不足今因來人令相照管一往不訝誼晤
此子多病來時告令一得力庄客送回也留住五七
日可矣

又

淨人來辱書具審法體勝常深慰馳仰至此二年再涉寒暑粗免甚病但行館僧舍皆非久居之地已置園築室爲苟完之計方砍木陶瓦其成當在中冬也

又

近苦痔疾極无聊看書筆硯之類殆皆廢也所要寫王維劉禹錫碑未有意思下筆又觀二碑格力淺陋非子厚之比也

荅王商彥

忝姻戚之末未嘗修問左右又方得罪屏居敢望
及之專人遠來辱牋教累幅稱述過重慰勞加等幸甚卽日履茲秋暑尊體何如其仕不知止臨老竄逐罪垢增積玷汚親友足下昆仲曲敦風義萬里遣人問安否意其可忘書詞雅健陳義甚高但非不肖所稱也蜀越相望天末何時會合臨書惘惘未審授任何地來歲科詔竚聞峻擢以慰願望未間更冀若時自重

與王敏仲

林醫遂蒙補授於旅泊處衰病非小補也又工小兒產科幼累將至且留調理渠欲往謝未令去也乞不

罪治瘴止用薑葱豉三物濃煮熱呷無不効者而土人不知作豉又此州無黑豆聞五羊頗有之便乞爲致三石得爲作豉散飲病者不罪不罪

又

某又有少息見人說舍弟赴容州路自英韶間舟行由端康等州而往公能與監司諸公處輟一州與之否今有一家書欲告差人賫往嶺上與之罪大罰輕數年行遣不下屢當患禍老矣何以堪此恃公舊眷必能興哀悚恐悚恐

又

富公碑詞甚愧不工公更加粉飾豈至是哉舟中病暑疲倦不謹恕之

重編東坡先生外集卷第七十五終

重編東坡先生外集卷第七十六

小簡

與程天侔

惠州

去歲過治下幸獲接奉別後有關上問過沐省記遠辱手教且審起屈佳勝感慰兼集長牋見寵禮意過當非衰廢者所宜承當伏讀愧汗而已未由會見萬萬以時自重

又

乏人寫公狀幸恕簡略示諭固合如命但罪廢閑冷衆所鄙遠決无嚮應之理近發書多不答未欲頻瀆

東坡先生集卷之二十六
也幸矜炤

又

至後福履增勝辱訪不果見悚忤无量寵惠羊酒紙茗極荷厚意荅謝稽縵不罪不罪

又

適辱訪別豈勝悵仰晚來起屈佳勝爲餞蔡守遂不得詣違尚丐珍練

又

少事干煩過河源日告伸意仙尉差一人押木匠作頭王臯暫到郡外令計料數間屋材惟速爲妙爲

身紛冗不及寫書千萬勿罪幸甚

又

江君訪別本欲作書醉熟手軟不能多書獨遣此紙而已老拙慕道空能誦楞嚴之語而實無所見賢者得之便能發明如此頌語精妙過辱開示感忤無已龍眼晚實愈佳特蒙分惠感忤之至錢數封呈煩聒增悚

又

白鶴峰新屈成當從天侔求數色果木太大則難活太小則老人不能待當酌中者又須土礎稍大不傷

根者爲佳不罪不罪

與程正輔提刑

近聞使旆少留番禺方欲上問候長官來伏承傳誨
意旨甚厚感忤深矣比日履茲新春起居佳勝知車
騎不久東按儻獲一見慰幸可量未間伏冀萬萬以
時自重

又

竄逐海上諸况可知聞老兄來頗有佳思昔人以三
十年爲一世今吾老兄弟不相從四十二年矣念此
令人悽斷不知兄果能爲弟一來否然亦有少拜
某獲譴至重自到此旬日便杜門自屏雖本郡守亦
不往拜其辱良以近臣得罪省躬念咎不得不爾老
兄到此恐亦不敢出迎若以骨肉之愛不責末禮而
屈臨之餘生之幸非所敢望也其餘區區殆非紙墨
所能盡惟千萬照悉而已德孺懿叔久不聞耗想頻
得安問八郎九郎亦然令子幾人侍行若巡按必同
行因得一見又幸舍弟近得書云在湖口見令子新
婦亦具道尊意感服不可言

又

專人至承賜教累服感慰兼極比日履茲春陽尊體

東坡先生集卷之三十六
佳勝知春夏間方按行此邦豈勝繫望韶州風物甚
美園亭德孺所治殊不知有可與爲樂者否未披奉
間更冀若時保練

又

老兄近日酒量如何弟終日把盞積計不過五銀盞
耳然近得一釀法絕竒色香味皆疑於官法矣使旆
來此有期當預醞也向在中山創作松醪有一賦閑
錄呈以發一笑

又

數日聞使旆來此喜慰不可言方欲遣人奉狀遽捧
手教感愧兼至此日涉履風濤起居佳勝旦夕瞻奉
併陳區區

又

某深欲出迎郊外業已杜門知兄知愛之深必不責
此然愧悚甚矣專令小兒走舟次也知十秀才待行
喜得會見不及別奉書

又

昨日辱臨款語傾盡感慰深矣經宿起居佳勝所賜
皆珍竒物意兩重敢不拜賜少頃面謝

又

謫居窮寂誰復顧者兄不惜數舍之勞以成十日之會惟此恩意如何可忘別後不免數日勞落切惟尊懷亦悵然也但凝望滹澤北歸得復會見耳到廣少留否比日起居何如某到家无恙不煩念及未參候間萬萬若時自重

又

河源事上下繆悠而已有一信箴并書欲附至子由處輒以上干然不須專差人但與尋便附荅或轉託洪吉間相識達之其中乃是子由生日香合等它是二月二十日生得前到此爲佳也不罪不罪

又

兩甥相聚多日備見孝義之誠深慰所望未暇別書悉之悉之兒子過令幹少事未見拜伏輒已和得白水山詩錄呈爲笑并亂做得香積數句同附上前本併納去磬字輒用楹字蓋攀例也呵呵

又

近檢法行奉書未達間伏蒙賜教并寄惠棋子此中雖有然似此佳者卽不識也十有二壞耳謹如教畧嘗不多啖也比日還府以來起居住勝某與兒子如昨不煩念及大郎二郎有近耗未歲暮无緣會合惟

真若時珍練

又

和示香積詩真得淵明體也某喜用陶韻作詩盖有四五十首不知老兄要錄何者待稍閑編成一軸附上也只告不示人耳橋錢必不足用學錢且告老兄留取切告切告前所問者已得實狀本州必已申去盖亦止是矣

又

近鄉僧法舟行奉書必達惠州急足還辱手教具審起居佳勝感慰兼辱寵示詩域醉鄉二首格力益清妙深欲繼作不惟高韻難攀又子由及諸相識皆有書痛戒作詩有說不欲詳言其言切甚不可不遵用空被來貺但慙汗而已兄欲寫陶體詩不敢奉違今寫在揚州日二十首寄上亦乞不示人也未由會合日聽除音而已餘惟萬萬若時自重

又

承服温胃藥舊疾失去伏惟慶慰反復尋舊此至言也拙恙亦當服温平行氣藥耳德孺書信已領尚未聞所授豈當到闕乎兄亦歸覲耳何用更求外補惠及佳麪感怍適有河源乾茵少許并香篆一枚頗大

謾納去作笑有肉菘蓉因便寄示少許無卽已也侯
晉叔實佳士頗有文采氣節恐兄不久歸闕此人疑
不當遺也故畧爲記之不罪

又

少懇冒聞向所見海會長老甚不易得院子亦漸興
葺已建法堂甚宏壯某亦助施三千緡足令起寢堂
歲終當圓備也院旁有一陂詰曲羣山間長一里有
餘意欲買此陂屬百姓見說數十年可得稍加葺築
作一放生池囊中已罄輒欲緣化老兄及子由冬
一五千足某亦竭力共此一事所活鱗介歲有萬

矣老大沒用處猶欲作小有爲功德不知兄意如何
可便乞附至不罪不罪

又

此中魚湖之利下塘常爲啟閉之所歲終竭澤而取
畧無脫者今若作放生池但牢築下塘永不開江水
漲冒卽聽其自在出入則所活不貲矣

又

廣東多松脂閩甫嘗買用桑皮灰練得甚精因話告
求數斤仍告正輔與買生者千斤因便寄示船上硫
黃如不難得亦告爲置通明者數斤欲以合藥散鐵

身城先生集卷之三十六
爐燉可作時蘿夾子者亦告爲致一副中樣者三物
皆此中無有也不罪

又

某前者留博羅一日再見鄧道士所聞別無異者方
欲邀來郡中款問也續寄丹砂已領愧感之極某於
大丹未明了直欲以此砂試煮煉萬一伏火亦恐成
藥耳成否當續布聞頃得七哥書通中已附謝也六
郎十郎各計安未及別書所要書字墨竹固不惜徐
寄去也外曾祖遺事錄呈

又

蜜極佳荔枝蒙頒賜謹附謝懇蘇州錢倅差一般家
人又借惠力院一行者契順來與宜興通問萬里勞
人甚愧其意因令附此書或畧賜照管幸甚卒子與
借請少許甚幸甚幸

又

忽復殘臘會合無緣不能無天末流離之念也急足
回辱書具審尊體康勝仍示佳語五章字字新奇歎
咏不已老嫂奄臘更此徂歲想加悽斷然終無益惟
日遠日忘爲得理也某近苦痔殊無聊杜門謝客兀
然坐忘爾新春爲國自愛早膺北歸殊寵

又
其覩近事已絕北歸之望然中甚安之未話妙理達
觀但譬如元是惠州秀才累舉不第有何不可知之
免憂詩屢欲和韻驗又已更老手五廢殆難措辭也
亦苦痔無情思耳惠黃雀感愧感愧子由一書告蚤
入皮筒幸甚幸甚

又

河南兄弟已歸左右想哀慕之極切希爲親自寬也
近有慰疏未暇別紙

又

殘臘只數日感念聚散不能無異鄉之歎不審兄諸
况何如子舍到否新年不獲奉觴惟祝早膺召命未
間更乞爲時自重

又

人來辱書伏承履茲新春起居佳勝至孝通直已還
左右感慰良深且聞有北轅之耗尤副卑望詠史等
詩高絕每篇迺是一論屈滯它作絕句也前後惠詩
皆未和非敢懶也蓋子由近有書深戒作詩其言切
至當焚硯弄筆不但作而不出也不忍違其憂愛之
意所以遂不作一字惟深察吾兄近詩益工孟德有

言老而能學惟余與袁伯業此事不獨今人不能古人亦自少也未拜命間頻示數字慰此牢落餘惟萬萬爲時自重

與廣東提學蕭大夫

春和切惟起居佳勝某罪譴得託迹麾下幸甚到惠即欲上問杜門省咎人事俱廢以故後時想不深訝未緣瞻奉伏冀爲時自重

又

伏審使旆巡按至惠得遂際見何幸如之某始寓僧舍凡百不便近因正輔至郡許假館行衙不及面稟輒已遷人悚側不已想仁愛頌恤不深訝也

荅毛澤民

公素人來得書累幅旣聞起居之詳又獲新詩一篇及公素旣示雙石記居夷久矣不意復聞韶濩之餘音喜慰之極無以示諭久廢筆硯不敢繼和必識此意會合無期臨書惘惘秋暑萬萬以時自重

又

某寓居粗遣本帶一幼子來今者長子又授韶州仁化令冬中當挈家至此某又已買得數畝地在白鶴峰上古白鶴觀基也已令斫木陶瓦作屋二十許間

東坡先生外集
今冬成去七十無幾矧未必能至耶更欲何之以此
神氣粗定他更無足爲故人念者聖主方設科求宏
辭公儻有意乎

又

新居在大江上風雲百變足娛老人也有一書齋名
思無邪閑知之

又

寄示竒茗極精而豐南來殆未得也亦時有山僧逸
民可與同賞此外但緘之而歲爾佩荷厚意永以爲
好秋興之作追配古人矣不肖何足以窺其粗
遇自有定數然非厄窮無聊何以發此竒思以自
於世耶敬佩來貺傳之知音感愧之極數日適苦壅
嗽殆不可堪強作報滅裂

荅王敏仲

再辱手教感戴深矣仍審比日台候康勝至慰至慰
某凡百如昨新居旦夕畢工卽遷入長子邁自浙中
般挈由循州徑路來閏月可至此漸似無事可以却
掃安居矣新政豈弟已穆然嶺海間矣更蒙下訪粗
識仁人之用心矣欣慰之極未由面盡臨紙惋結

又

浮玉聞遂化去殊不知異事可聞其畧乎其母今安在謗者之言何足信也丹元事亦告盡錄示決不示人也起屈之語未曉亦告指示近頗覺養生事絕不用求新奇惟老生常談便是妙訣嚙真納息真丹頭仍須用尋常所聞搬運泝流法令積久透徹乃效也孟子曰事在易而求之難道在爾而求諸遠董生云尊其所聞則高明矣行其所知則光大矣

又

春候清穆切惟撫馭多暇起屈百福甘雨應期遠邇滋洽助喜慰也某凡百粗遣遷新屋已浹日小隱疎

籬頗有幽趣賤累亦不久到矣未期瞻奉萬萬爲國自重

又

羅浮山道士鄧守安字道立山野拙訥然道行過人廣惠間愛敬之好爲勤身濟物之事嘗與某言廣州一城人好飲鹹苦水春夏疾疫時所損多矣惟官員及有力者得飲劉王山井水貧下何由得惟蒲澗山有滴水崑水所從來高可引入城蓋二十里以下耳若於崑下作大石槽以五管大竹續處以麻纏之漆塗之隨地高下直入城中又爲一大石槽以受之又

東坡先生集卷之三十六
以五管分別散流城中爲小石槽以便汲者不過用
大竹萬竿及二十里間用葵茹苫蓋大約不過費數
百千可成然須於循州置少良田令歲可得租課五
七十千者令歲買大筍竹萬竿作筏下廣州以備不
住抽換又須於廣州城中置得少房錢可以日掠二
百以備抽換之費專差兵匠數人巡覷修葺則一城
貧富同飲其涼其利便不在言也自有廣州以來以
此爲惠若人戶知有此作其欣願可知喜捨之心料
非復塔廟之比矣然非道士至誠不欺精力勤幹不
能成也敏仲見訪及物之事敢以此獻道士直望仙
耳世間貪愛無絲毫也可以無疑從來帥漕諸公亦
多請語與皆喜公濟物之事故詳以告可否更在熟
籌慎勿令人知出自不肖也

又

示諭津遣孤孀救藥疾癘政無急於此者矣非敏仲
莫能行之幸甚廣州商旅所聚疾疫作客先僵仆因
薰溼居者事與杭相類莫可擘劃一病院要須有歲
入課利供之乃長久之利試留意來諭以此等爲仕
宦快意目前美事此言誰肯然者循州周守治狀過
人議論可所想蒙頌盼也

又
兩蒙賜教感慰深至曾因周循州行奉狀想已塵覽
卽日台候何如越人事嬉遊盛於春時高懷俯就想
復與衆同之天色澄穆亦惟此時也莫緣陪後乘西
望增慨

又

聞遂作管引蒲澗水甚善每竿上須鑽一小眼如棗
荳大以小竹針窒之以驗通塞道遠日久無不塞之
理若無以驗之則一竿之塞輒累百竿矣仍願公
畫少錢令歲入五十餘竿竹不住抽換永不廢僭
必不訝也

重編東坡先生外集卷第七十六終

重編東坡先生外集卷第七十七

小簡

與范純夫

惠州

某謂居瘴鄉惟靜絕欲念爲萬金之良藥公久已爾不在多祝也子由極安常燕坐胎息而已有一書附納長子邁自宜興挈两房來已到循州一行並安過近往迎之得耗旦夕到此某見獨守舍耳次子迨在許下子由長子名遲者官滿來筠省覲亦不久到恐要知六婦與二孫並安健過去日留一書并數品藥在此今附何秀才去如聞公目疾尚未平幸勿過服

涼藥室暗暝坐數息藥功何緣及此兩承惠錫器極
荷重意丹霞觀張天師遺跡儻有良藥異事乎令子
不及別書侍奉外多慰子功之喪忽已除祥哀哉柰
諸子想各已之官其孫婦甚長來旦夕到此矣

與蕭朝奉

近得見令兄提舉稍聞動止之詳爲慰少事輒冒聞
幸恕率易兒子邁般挈數房賤累自處易小舟由龍
南江至方口出陸至循州下水到惠賤官重累敢望
矜恤特爲於郡中諸公醮借白直數十人送至方口
計未遠出州界切望垂念已於循州擘畫得數十人
至方口迎之也流落困苦想加愍察

答王莊叔

遠辱教書具道三十年前都下與先人往還伏讀感
涕仁人念舊手簡見及足矣書辭累幅禮意莊重此
何過也伏審斬焉在疚哀慕之餘起居如宜某罪廢
遠屏有玷知識重蒙獎飾衰朽增光會合未期尚冀
節哀自重

又

某多病杜門人事都絕懶習已成筆硯殆廢承長箋
寵貺裁謝苟簡愧負深矣黃茆海瘴正作於秋蒸暑

塵汗不能盡意恕之

答傅維巖秘校

專人至承不鄙罪廢長牋見及援古證今陳義甚高
伏讀愧感仍審比來起居佳勝至慰至慰守局海徼
屈淹才美然事無高下但能隨事及物中無所愧卽
爲達也伏暑萬萬自愛

又

衰病裁謝草草不訝知不久美解卽獲會見至喜至
喜掩骼之事知甚留意旦夕再遣馮和二士面稟亦
有賤物在二士處此不覩續增城荔子一籃附去人

驢上

與增城令林天和

昨日辱訪別尤荷厚眷老病龍鍾不果詣違愧負多
矣經宿起居佳勝果成行未忘已爲民誰如公者願
益進此道譬之農夫不以水旱而廢穠蓂也此外惟
萬萬自愛

又

人來辱書具審比日尊候佳勝甚慰所望加損秧馬
曲盡其用非撫字究心何以得此已具白太守矣乍
熱萬萬以時珍齋

又
人來辱手教具審起居住佳勝吏民畏愛謠頌布聞甚
慰所望秧馬聊助美政萬一耳何足云乎承示愈愧
悚之至僧磨已成秋涼當往觀也

又
辱教承微恙已平起居清勝甚慰馳仰暑雨不常官
事疲勩攝衛爲難惟加意節調以時休息爲佳也

又
多日不奉書思仰之至伏暑尊候何如惠貺荔子極
佳郡中絕少得與數客同飫幸甚幸甚

又
比日蒸熱體中佳否承惠楊梅感佩之至聞小薑花
欲出錄裏得詩云庶致此愧也呵呵豐樂橋數木匠
請假暫歸多日不至敢煩指揮勾押送來爲幸

又
辱手教承起居住佳勝久以冗率有關馳問愧企深矣
承惠龍眼牙焦皆郡中所乏感忤之至

又
高君一卧遂化深可傷念其家不失所否瘴疫橫流
僵仆者不可勝計爲之奈何奈何某亦旬日之間喪

女使况味牢落又有此狼狽想聞之亦爲憮然也

又

專人辱書仰服眷厚仍審比來起居清勝至慰長子未得的耗小兒數日前暫往河源獨幹築室極爲牢冗承惠牙蕉數品有未嘗試者幸得偏嘗感愧不已

又

數日稍清冷伏惟起居佳勝構架之勞殊少休暇思企清論日積滯念尚與保衛

又

近人還奉書必達卽候漸涼起居佳勝否疊煩順旨感忤交深未由面謝

又

秋高氣爽伏計尊候清勝公宇已就想日有佳思未由披奉萬萬以時珍蓄

又

辱書伏承別後起居佳勝甚慰馳仰數夕月色清絕恨不同賞謾亦對影獨酌而已

又

近辱過訪病中恨不款奉人來枉手教具審起居佳勝至慰至慰旦夕中秋想復佳風月莫由陪接增悵

東坡先生集卷之二十七
仰也

又

前日人還裁謝必達比日履茲薄冷起居佳否未緣展奉但有翹向

又

近奉書知入山未回卽日想已還治起居佳否往來衝冒然勝游計不爲勞也

又

昨日江干邂逅未盡所懷來日欲奉屈早膳庶少款曲闕人不獲躬詣不罪

又

從者往還見過皆不欵奉愧荷可勝辱書承起居清勝聞還邑以來老穉鼓舞數日調治想復清暇矣歲暮萬萬加愛

又

近辱手書冗中不果卽答悚息悚息春寒想體中佳勝火後凡百想勞神用勤民之意計不倦也未由披奉萬萬以時自愛

又

近數奉書想皆達雨後晴和起居佳勝花木悉佳品

又根撥不傷遂成幽居之趣荷雅意無窮未卽面謝
爲愧

又

專人辱書具審起居佳勝爲慰春物益妍時復尋賞
否想亦以少雨軫懷也未由請見萬萬以時加攝

又

小兒徃循已數日矣賤累二月初可到此新居旦夕
畢工承問及感感不及領書又惠筭蔗益用愧刻
聞相度移邑果爾否闕人重封不罪

又

辱書伏承起居佳勝示諭幼累已到城流寓中一喜
然老穉紛紛口衆食貧向之孤寂未必不佳也可以
一笑蒸鬱未宜萬萬自愛

又

骨肉遠至重爲左右費羊麪鱸魚已拜賜矣感忤之
至

與循守周文之

近日屢獲教音及林增城至又得聞動止之詳并深
感慰桃荔米酒諸信皆達矣荷佩厚眷難以言喻今
歲荔子不熟土產早者旣酸且少而增城晚者不至

東坡先生集卷之七十一
方有空寓嶺表之嘆忽信使至坐有五客人食百枚
飽外又以歸遺皆云其香如練家紫但差小耳二廣
未嘗有此異哉又使人健行八百枚無一損者此尤
異也林令竒士幸此少留公所與者故自不凡也蒸
暑異常萬萬以時珍齋

又

鄭君知其俊敏篤問學觀所爲詩文非止科場手段
也人去忙作書不及相見且致此意李君亦再三傳
語承許遠訪何幸如之海州窮獨見人卽喜况君佳
士乎林行婆當健有香與之到日告便送去也

與封守朱朝請

前日蒙示所藏諸書使末學稍窺家傳之秘幸甚幸
甚恕先所訓尤爲近古某方治此書得之頗有所開
益拜賜之重若獲珠貝又重煩令子運筆益用愧悚
老朽不揣漸立訓傳尚未畢功異日當以奉呈也新
說方熾古學崩壞言之傷心區區所欲陳未易究也
臨紙慨然

又

公於春秋發明固多矣舍第頗治此學異日相見當
出其書互相考也然此書近遭廢錮尚未蒙牽復公

尚敢言及耶想當一喙

與李大夫

近奉狀已達比日伏計起居佳勝旱勢如此撫字之懷想極焦勞舊見太平廣記云以虎頭骨纏之有龍湫潭中能致雨仍須以長綆繫之雨足乃取出不爾雨不止在徐與黃試之皆驗敢以告

與周文之

近蒙寄示畫圖及新堂面勢仍求榜名嶺南無大寒暑其秋冬之交勾萌盜發春夏之際柯葉潛改四時之運默化而人不知民居其間衣食之奉終歲一律寫求而易安有足樂若有若吏治不煩即其所安而與之俱化豈非牧養之妙乎文之治循已用此道故以默化名此堂如可所用便請題榜也

又

聞公服何首烏是否此藥温厚無毒李習之傳正爾啖之無炮製今人廼用棗或黑豆之類蒸熟皆損其力僕亦服此藥但採得陰乾便搗羅爲末棗肉或煉蜜和入臼中萬杵乃丸服極有力無毒恐未得此法故以奉白

與翟東玉

馬火也將火而憂馬火就燥燥而不已則突故膏油所以爲無窮也藥之膏油者莫如地黃古人以啖老馬皆復爲駒樂天贈採地黃者詩云與君啖肥馬可使照地光今人不復知此法吾晚覺血氣衰耗如老馬矣欲多食生地黃不可常致近見人言循州興寧令歐陽叔向于縣圃中多種此藥意欲作書干求而未敢君與叔向故人可爲致此意否此藥二八月採者良如許以時見寄惠爲幸欲烹爲煎也不罪

與人

累日欲上謁竟未暇辱教承足疾未平不勝馳繫足疾惟葳靈仙牛膝二味爲末蜜丸空心服必效之藥也但葳靈仙難得真者俗醫所用多藁本之細者爾其驗以味極苦而色紫黑如胡黃連狀且脆而不韌折之有細塵起向明視之斷處有黑白暈俗謂之有鷓鴣眼此數者備然後爲真服之有奇驗腫痛拘攣皆可已久乃有走及奔馬之効二物當等分或視臟氣虛實加減牛膝酒及熱水皆可下獨忌茶耳犯之不復有效若常服此卽每歲收穰皂莢茅之極嫩者如造草茶法貯之以代茗飲此効屢嘗目擊之君疾苦故詳以奉白元素書已作稍暇詣見

與惠州都監

君南來清節幹譽爲有識所稱皆曰此東坡弟子由門下客也兩漢之士多起于游徼卒史至公卿者多矣願君益廣問學以期遠到

與史氏太君嫂

某謫海南狼狽廣州知時任及第流落中允以爲慶乃知三哥平生孝義廉靖自守嫂賢明教誨有方天不虛報也明日當渡大海聊致此書嫂知意而已

與楊濟父

儋耳

眉兵至承惠書具審尊體佳勝眷愛各安某與幼子

過南來餘皆留惠州生事狼狽勞苦萬狀然育中亦自有翛然處也今日到海岸地各地角場明日順風卽過瓊矣回望鄉國真在天末留書爲別未間遠惟以時自重

又

某兄弟不善處世並遭遠竄墳墓單外念之感涕惟濟甫以久要之契始終留意死生不忘厚德

答劉元忠

近別伏惟起居安勝短牋不盡意察之柳伯通因會爲致區區歐陽秀才真談道甚妙可與閑游懷思文

忠公愛其屋上烏况族子弟之佳者乎餘惟萬萬若時自重

答王敏仲

兒子還辱手書具審起居佳勝感慰兼極舟行至扶胥急足示問乃知有袁州之命歎惋而已行止孰非天者復何言哉道眼所照知己平適但治行忽遽亦少勞神矣

又

某垂老投荒無復生還之望昨與長子邁訣已處置後事矣今到海南首當作棺次便作墓仍留手疏與諸子步即葬於海外庶幾延陵季子贏博之義父既可施之子子獨不可施之父平生不挈棺歿不扶柩此亦東坡之家風也此外宴坐寂照而已所云途中邂逅意謂不如其已所欲言者豈有過此者乎故覩縷此紙以代面別

與雷守張朝請

兄弟流落同造治下蒙不鄙遺眷待有加感服高義慷慨不已別來未幾思仰日深比日起居何如其已到瓊過海無虞皆託餘庇旦夕西去回望愈遠後會無期惟萬萬若時自重

又

海南風物與治下畧相似至于人烟食物蕭然之甚去海康遠矣到後杜門默坐喧寂一致也蒙差人津送劇得力感感舍弟居止處若早得成令渠獲一定居遠物離人而立于獨乃公之厚賜也兒子幹事未暇上狀

又

久不上狀想察其衰疾多未非簡慢也新軍使來奉教字具審此日起居住勝感慰兼極某到此數計病今幸少間久逃空谷日就灰槁而已因書瞻望又悵然尚冀若時自重

又

新釀四壺開嘗如宿昔香味醇冽有京洛之風逐客何幸得此但舉杯屬影而已一笑海錯臨貺珍絕雖島外人不暇收此得之又一段奇事也眷意至厚感忤不已

又

聞已有詔命甚慰輿議想旦夕登進也當別具賀幅某關人寫啟狀止用手書乞加恕子由荷存庇深矣不易一一言謝也新春海上嘯詠之餘有足樂者

東坡先生外集
島中孤寂春色所不到也

重編東坡先生外集卷第七十八

小簡

答程全父推官

僖耳

別遽逾年海外窮獨人事斷絕莫由通問船信忽枉
教音喜慰不可言仍審起居清安眷愛各佳某與兒
子粗無病但黎蠶雜居無復人理資養所急求輒無
有初至僦官屋數椽近復遭迫逐不免買地結茅僅
免露處而囊爲一空困厄之中何所不有置之不足
道聊爲一笑而已平生交舊豈復夢見懷想清遊時
誦佳句以解牢落

閣下才氣秀發當爲時用久矣遐荒安可淹駐想益
輔以學以昌其詩乎僕焚毀筆研已五年尚寄味此
學隨行有陶淵明集陶寫悒鬱正賴此爾有新作遞
中示數篇迺珍惠也山川風氣能清佳否孰與惠州
比此間海氣蒸溽不可言引領數秋以日爲歲也寄
貺佳酒豈唯海南所無殆二廣未嘗見也副以糖水
精麪等一一感銘非眷存至厚何以得此悚忤之至
此間紙不堪覆甌來者已竭有便可寄百十枚否
必甚佳者

又

便舟來辱書問訊旣厚矣又惠近詩一軸爲賜尤重
流轉海外如逃深谷旣無與晤語者又書籍舉無有
惟陶淵明一集柳子厚詩文數冊常置左右目爲二
友今有辱來貺清深溫麗與桃柳真爲三友矣此道
比來幾熄海北亦豈有語此者耶新春伏想起居住
勝某與兒子亦粗遣窮困日甚親友皆踈絕矣公獨
收郵加舊此古人所難也感忤不可言惟萬萬以時
自愛

又

令子先輩辱書及新詩感慰彌甚筆力益進家有哲
匠矣何復下問乎老病百事皆廢尤倦寫書故止附
此紙不別緘也不罪不罪

又

兒子比抄得唐書一部又借得前漢欲抄若了此二
書便是窮兒暴富也呵呵老拙亦欲爲此而目昏心
疲不能自苦故樂以此告壯者爾紙茗佳惠感忤感
忤又惠藥米醬薑鹽糖等皆已拜賜矣江君先輩辱
書深欲裁謝連寫數書倦甚且爲多謝不敏也

又

久不得毗陵信如聞浙中去歲不甚熟曾得家信不
彼土出藥否有易致者不拘名物爲奇少許此間舉
無有得者卽爲希奇也間或有麤藥以授病者入口
如神蓋未嘗識耳

答程天侔

去歲僧舍屢會當時豈知爲樂今者海外無覆夢見
聚散憂樂如反覆手幸而此身尚健得來訊喜侍奉
清安知有愛子之戚襁褓泡幼不須深留戀也僕離
惠州後大兒子房亦失一男孫悲愴久之今則已矣
此間食無肉病無藥居無屋出無友冬無炭夏無寒

泉然亦未易悉數大率皆無爾惟有一幸無甚瘴也
近與兒子結茆屋數椽居之僅庇風雨然勞費已不
貲矣賴十數學生助工作躬泥水之後愧之不可言
也尚有此身付與造物者聽其運轉流行坎止無不
可者故人知之免憂夏熱萬萬自愛

又

近得子野書甚安陸道士竟以疾不起葬于河源矣
前曾豈非一夢耶僕既病倦不出然亦無與往還者
闔門而面壁而已新居在軍城南極湫隘粗有竹樹
烟雨濛晦真蜃塢獠洞也惠酒絕佳舊在惠州以梅
醞爲冠此又遠過之牢落中得一醉之適非小補也

又

新詩過蒙寵示格律深妙非淺學所能彷彿歎誦不
已老拙無以答厚意但藏之永以爲好耳

鄭嘉會

舶人回奉狀必達比日起居住勝貴眷今子各安某
與過亦幸如昨初賃官屋數間居之旣不佳又不欲
與官員相交涉近買地起屋五間一竈頭在南汗地
之側茂木之下亦蕭然可以杜門面壁少休也但勞
費貧窘耳此中枯寂殆非人世然居之甚安况諸史

滿前甚可與語者也著書則未日與小兒編排齊整之以湏異日歸之左右也小客伍介石者有士君子之趣起居一行介石躬其勞辱甚於家隸然無絲髮之求也願其念之有可以照庇之者幸不惜也死罪死罪柯仲嘗舊有契因見道區區

又

邁後來相見否久不得其書聞過房下卧病正月尚未得耗亦憂之公爲取一書求瓊州海舶或來人之便封題與瓊倅黃宣義託轉達甚幸也見說瓊州不論時節有人船便也衆妙堂記一本寄上本不欲作適有此夢夢中語皆有妙理皆實云爾僕不更一字也不欲隱沒之又皆養生事無可醞釀者故出之

答傅維品秘校

遠蒙惠書非眷念之厚何以及此仍密比來起居住勝感慰兼集老病之餘復此窮獨豈有再見之期尚覲勉進學問以究遠業餘惟萬萬自愛

又

官事有暇得爲學不輟否有可以往還者乎此間百事不類海北但杜門面壁而已彼中有鹿藥可治病者爲置少許此間如蒼木橘皮之類皆不可得但

不嫌龕賤爲相度置數品不罪不罪

與僧隆賢

某慰䟽言不意寶月大師宗古老兄捐衆示化切惟
孝誠深至攀慕涕泗久而不忘仍承已畢大事忽復
更歲觸物感慟柰何柰何某謫居遼曼無由徃奠追
想宗契之深悲愴不已惟昆仲節哀自重以副遠誠
謹奉䟽慰不次謹䟽正月日趙郡蘇某慰䟽上

又

舟榮二大士遠來極感至意舟又冒涉嶺海尤爲愧
荷也寶月塔銘本以罪廢流落恐玷高風不敢輒作
而舟師哀請誠切故勉爲之也海隅漂泊無復歸望
追懷疇昔永望悽斷

與楊濟父

寶月師孫來得所惠書喜知尊體佳勝眷聚各清安
至慰至慰某凡百粗遣北歸未有期信命且過不煩
念及惟聞墳墓安靖非濟父風義之篤何以得此感
荷不可言舟師云當一到眉此中諸事可問其詳也
遠祝惟若時珍重而已

又

遠蒙厚惠蜀紙藥物等一一如數領訖感作之至人

東坡先生集卷之二十八
行速無佳物充信謾寄腰帶一條俗物增愧不罪不
罪

與元老姪孫

元老姪孫秀才屢得書感慰十九郎墓表本是老人
欲作今豈推辭向者猶作寶月誌文况此文義當作
但以日近憂長愈深飲食語默百慮而後動想喻此
意也若不歿終當作耳近來鬚髮雪白加瘦但健及
啖啜如故耳相見無期惟當勉力進道起門戶爲親
榮老人僵卧海外亦不恨也

又

任孫元老秀才久不聞問不識卽日體中佳否蜀中
骨肉想不住得安信老人住海外如昨但近來多病
瘦悴不復往日不知餘年復得相見否循惠不得書
久矣旅况勞落不言可知又海南連歲不熟飲食百
物艱難又泉廣海舶絕不至藥物醬酢等皆無厄窮
至此委命而已老人與過子相對如兩苦行僧耳然
胸中亦超然自得不改其度知之免憂所要志文但
數年不歿便作不食言也任孫既是東坡骨肉人所
覩着住京凡百倍加周防切祝切祝今有書與許下
諸子又恐陳浩秀才不過許只令送與任孫切速爲

東坡先生集卷之二十八
求便寄達餘惟千萬自愛

又

侄孫近來爲學何如恐不免趨時然亦須多讀書史務令文字華實相副期於適用迺佳勿令得一第後所學便爲棄物也海外亦粗有書籍六郎亦不廢學雖不解對義然作文極俊壯有家法二郎五郎見說亦長進曾見它文字否侄孫宜熟看前後漢史及韓柳文有便寄近文一两首來慰海外老人意也

又

趙先輩僮人此中凡百可問而知也鄉里出百
如收得可寄一二斤趙還時可附也無卽已

答江唐佐秀才

特辱遠訪意况甚厚衰朽廢放何以得此悚愧不已
經夕起居佳勝長牋詞美兼善窮陋增光卧病不能
裁答聊奉手啟

又

昨日辱夜話甚慰孤寂示字承起居住佳勝竒茗佳惠
感服至意當同啜也適睡不卽答悚息悚息

又

今日霽色可喜食已當取天慶觀乳泉潑建茶之精

者念非君莫與共之然早來市中無肉當相與啖菜
飯耳不嫌可只今相過

又

適寫此簡得來示知巡檢有會更不敢邀請會若散
可來啜茗否酒麪等承嘉惠感愧感愧來早飯必如
諾

又

別來數辱問訊感忤至意毒暑具審起居佳勝堂上
嘉慶甚慰所望也知非久適五羊益廣學問以卒遠
業區區之禱

又

某已得合浦文字見治裝不過六月初離此只從石
排或澄邁渡海無緣更到瓊會見也此懷甚惘惘因
見二車略道下懇有一書至兒子邁處從者往五羊
時幸爲帶去轉託何崇道附達爲幸

又

兒子治裝冗甚未及奉啟所借烟蘿子兩卷吳志四
冊會要兩冊馳納

與范元長

某慰疏言不意凶變先公內翰遽捐館舍聞訃慟絕

東坡先生集卷之八
天之喪予一至于此是生意盡矣伏惟至孝承務元長
昆仲孝誠深至追慕罔極何辜于天罹此禍酷荼毒
如昨奄易寒暑哀毀日深柰何柰何某謫籍所拘莫
由往弔永望長號此懷難諭謹奉手疏上慰不次謹
疏

又

流離僵仆九歿之余又聞淳夫先公傾逝痛毒之深
不可云喻久欲奉疏不遇便人又舉動艱礙憂畏日
深今茲書問亦未必達且畧致區區耳

又

先公已矣惟望昆仲自立不墜門戶千萬留意其遠
者大者勿徇一至之哀致無益之毀與先公相照誰
復如某者此非苟相勸勉而已切深體此意餘不敢
盡言

又

先公論徃古事著述多矣想一一寶藏此豈復待鄙
言耶某當遣人致奠海外窮苦不能如意不敢作奠
文想蒙哀恕也歸葬知未得請苦痛之極惟千萬寬
中順受此中百事遠不及雷化百憂所集然亦強自
遣也

東坡先生集卷之七十八
又
聖善郡君不及拜慰狀侍次乞致區區沉香少許望於內翰靈几焚之表未及一慟之意而已

又
孫行者至辱書承孝履如宜闔宅皆安感慰之極所諭傳初不待君言心許吾亡友久矣平生不作負心事未歿要不食言然今則不可九歿之餘憂畏百端想蒙矜察不卽副來意臨紙哀噎海外粗聞新政有識感涕靈几儻遂北轅乎未間千萬節哀自重

又
聖善郡君承起居住適因侍次致下悃乞爲骨肉保愛寬懷以待北歸也子進諸舅曾得安信否

又
毒暑遠惟孝履如宜海外想聞近事南來諸人恐有北轅之漸而吾友翰林公獨隔幽顯言之痛裂忘生矧昆仲純篤之性感慟摧割如何可言奈何奈何老朽一言非苟以相寬者先公清德絕識高文博學非獨今世所無古人亦罕有能兼者豈世間混混生歿流轉之人哉其超然世表如千佛之所云必矣况其平生自有表見於無窮者豈必區區較量頃刻之壽

否耶此意卓然惟昆仲深自愛得歸亦無亟遽俟秋稍涼而行爲佳某深欲一見左右赴合浦不惜數舍之迂但再三思慮不敢爾必深察臨行必預有書相報熱甚萬萬節哀自重

與秦少游

某已封書訖乃得移廉之命故復作此紙治裝十日可辦但須得泉人許九船卽牢穩可恃餘蟹舟多不堪而許見在外邑未還須至少留待之約此二十五六間可登舟並海岸行一日至石排相風色過渡一日至遁角場但相風難刻日爾已有書託吳君雇二十壯夫來遁角場相等但請雇下未要發來至渡海前一兩日當別遣人去報若得及見少游卽大幸也今有一書與唐君內有兒子書託渠轉附去料舍弟已行矣餘非面莫究

與謝民師

衰病灰槁百念已忘緇衣之心尚餘此爾蒙不鄙棄贈以瑰瑋藏之巾笥永以爲好今日遂行不果走別愧負千萬謹奉手啟代違

又

某蒙錄示近報若果得免湖外之行衰羸之幸可勝

言哉此去不住許下則歸陽羨民師還朝受任或相近得再見幸矣兒子輩並沐寵問及覽所賜過詩何以克當然句法有以發小子矣感荷感荷旅次不盡
區區

與楊子微

某與尊公濟甫半生闊別彼此鬢鬢雪白而相見無期言之悽斷尊公乃令閣下萬里遠來海外訪其死生此乃古人難事聞之感歎不已辱書具審起居佳安尊公已下各得安勝至慰之極軾七月中必達穎昌矣回馭少留一湏款見餘祝若時珍重

又

某與舍弟流落天涯墳墓免於樵牧者尊公之賜也承示喻感愧不可言聞井水嘗竭而復溢信否見今如何因見細喻

重編東坡先生外集卷之七十八終

東坡先生文集

卷之二十一

十一

